



**Aningaasaqarnermut Nunamullu  
Namminermt Naalackersuisoq  
/MAANI**

Ulloq: 14. juni 2013

J.nr.: 01.31.06/13-00624

**Aningaasaqarnermut Akileraartarnermullu Ataatsimiititaliap pingasunngornermi  
ulloq 12. juni 2013-imi aalajangiineranik Naalackersuisunut ilisimatitsineq (suliaqnr.  
01.31.06/13-00624)**

**Missingersuutitut sunniuteqanngitsumik kontomi pingaarnermi 50.01.18,  
ingerlatsinermt isumaqatigiissutit tunisassiorfiit, aningaasanik sinneruttunik  
nuussineq**

Naalackersuisut **inassuteqarput**,

- Kontomi pingaarnermi 50.01.18 Ingerlatsinissamik isumaqatigiissutit, tunisassiorfiit (tapiissutitut aningaasaliissutit) missingersuutitut tapersiissut tapersiissummut ilanngunneqartumut allanngortinneqassasoq.
- Aningaasaliissutit sinneruttut 5,467 mio. kr.-inik annertussuseqartut siunertamut missingersuutitut tapersiissummi ilanngunneqartumi allaaserineqartumut atorneqassasut.

**Aningaasaqarnermt Ataatsimiititaliap oqaaseqaatai**

Missingersuutitut ilanngussap atuuttup ataatsimiititaliamut nassiunneqartumik taarserneqarnissaa Naalackersuisut inassuteqarnermikkut kissaatigigaat Aningaasaqarnermt Ataatsimiititaliamit ilimagineqarpoq. Missingersuutitut ilanngussaq nutaaq ataatsimiititaliamut nassiussaq aalajangiinermt matumunnga ilannqussatut ilanngunneqarpoq.

*"Missingersuutitut tapersiissutitini missingersuutitini piumasaqaatit allanngortinneranni Aningaasaqarnermt Ataatsimiititaliamut qinnuteqarnani eqaatsunik aaqqiissuteqartarnissamut Naalackersuisut pisinnaatinneqassapput. Aningaasaliissutaasut atorneqarnerat pillugu Aningaasaqarnermt Ataatsimiititaliaq ingerlaavartumik ilisimatinneqartassaaq", qulequttami immikkoortup "Tunuliaqutaq" naggataani Naalackersuisut oqaatigaat. Taamaattorli Aningaasaqarnermt ataatsimiititaliaq akuerseqqaartinnagu Naalackersuisut periarfissaqanngillat, konto pingaarneq 50.01.18 ingerlatsinermt isumaqatigiissutit, tunisassiorfiit pillugit oqaasertaliussat nassuiaataanni allassimammat: "Naalackersuisut, Inatsisartut Aningaasaqarnermt Ataatsimiititaliaanut akuerisitsinikkut, konto pingaarnermi matumani anguniagaasut iluanni suliassat aaqqinneqarnissaannut suleqatigisanut avataneersunut isumaqatigiissuteqarnissamik Naalackersuisut piginnaatinneqarput."* Missingersuusiornermut inatsit malillugu oqaasertaliussat inatsimmi oqaasertatut naleqarput, taamaannatilli missingersuutitut ilanngussami oqaasertat, taamatuttaa Missingersuusiornermut inatsit naapertorlugu inatsisit oqaaseqaatitaatut iluseqarluni.

Taamaattumik missingersuutitut ilanngussami oqaasertat allanngortinneqarsinnaapput, oqaasertaliussanili oqaasertaliussat sanioqqunneqarsinnaanatik. Naalakkersuisut oqaasertaliussat allanngortiniarunikkit, tamanna Aningaasaqarnermut ataatsimiititaliamut inassutini (ersarissumik) allassimassaaq. Taanna qinnuteqaammi uani pisimangilaq.

Missingersuutitut ilanngussami nutaami allassimavoq *"Missingersuutitut tapiliussami uani aningaasaliissutitut piumasaaqatit allaaserineqartut akuersissutigineqareerneranni oqaasertat 2013-ip sinneranut allanngortinnagit ingerlateqqinniarnearput."* Taamaattumik missingersuutitut ilanngussami aningaasaliinermi tunngaviusut allanngortinneqarnerisigut Naalakkersuisut piginnaatinneqarnissartik pillugu qanoq ilimagisaqarnersut ersarluppoq. Tamatuma itisilerneqarnissaanik Naalakkersuisut ataatsimiititaliamit qinnuigineqarput.

Qinnuteqaatikkut aningaasaliissutitut tunngaviit "eqaannersunngortinniarnearput", taamaalilluni tunisinerimut tapiissuteqartoqarsinnaalluni, taamaaliornermi najukkami tunitsivinnut pisariaqanngitsumik pituttuisoqanngikkaluortoq. Naalakkersuisut malillugit taamatut allanngineq Arctic Green Food-ip (AGF-ip) akiliisinaajunnaarneranut attuumassuteqarpoq, tassungalu atatillugu maanna tunisassiorfinnik AGF-imik kiffartuussinissamut isumaqatigiissuteqarfiusunik maanna piginnittullu (Greenland Properties A/S) aaqqiissutissamik isumaqatigiissusiornissaq periarfissaasimanngimmat. Missingersuutitut ilanngussami immikkoortut pingajuata sisamaatalu ataqatigiinnerat ersernerluppoq. Immikkoortut pingajuanni missingersuutitut ilanngussami aningaasaliissutitut tunngaviit eqaannerusunngortinniarnearput, assartuinermik aaqqiinernut aamma umiarsuarnut tunitsivinnut tapiissuteqarsinnaaneq periarfissanngortinniarnearluni, akerlinganilli immikkoortut sisamaanni missingersuutitut ilanngussap aappaa uteqqinneqarpoq, tassani nunaqarfinni illoqarfinnilu minnerusuni tunisassiorfiit isiginiarnearnerat aalajangiussimaneqarmat. Piviusut tunngavigalugit taakku asortuupput, taamaalilluni aningaasaliissutit aalajangersimasumik sumut atorneqarsinnaanerit sumullu atorneqarsinnaannginnerat Inatsisartunut paatsuunganarsissalluni. Tamanna tunngavigalugu aningaasaliissutikkut siunertaasumik itisileeqqullugit, tassunga naapertuuttumik missingersuutitut ilanngussamik allanngukkamik nassiusseqqullugit kiisalu tassunga atatillugu konto pingaarnermut ateritinneqartoq allanngortinneqassanersoq isummeqqullugit Naalakkersuisut ataatsimiititaliamit qinnuigineqarput.

Tunisassiorfinni siusinnerusukkut Namminersorlutik Oqartussat AGF-llu akornanni sullissinissamik isumaqatigiissuteqarfiusuni tunisinerit 2014-imiit pisortaniit tapiiffigineqanngitsumik ingerlanneqarsinnaanerit Royal Greenlandimiit naatsorsuutigineqartoq Naalakkersuisut ataatsimiititaliamut siusinnerusukkut paasissutissiissutigaaq. Tamanna suli naatsorsuutigineqarsimappat qinnuteqaammi allanneqarsimasariaqaraluarpoq. Ataatsimiititaliamit maluginiarnearpoq tusagassiorfiit saqqummiussinerit malillugu Greenland Propertiesimi, tunitsivinnik pineqartunik piginnittuusumi, piginneqataassutit amerlanerpaartaat Greenland Venture A/S-mit tiguneqarsimasut. Tamanna eqqumiiginarsinnaavoq, Greenland Venturemimi siunertaa tassaasorinangimmat tunitsivinnik ingerlatsineq. Pissutsit taakku pillugit sukumiisumik nassuiaat ataatsimiititaliamit kissaatigineqarpoq, tassungalu ilanngullugu paasissutissiissutigeqquneqarluni tunisassiorfiit naatsorsuutigisat akimorlugit 2014-miit niuernerpalaartumik ingerlanneqarsinnaassanngippata Roya Greenland, Greenland

Venture imaluunniit alla ungasinnerusooq isigalugu Namminersorlutik Oqartussanit sullissinissamat isumaqatigiissuteqarfigineqartussatut naatsorsuutigineqarnerut.

Naggasiullugu oqaatigineqartariaqarpoq Naalakkersuisut missingersuutitut ilanngussamik nutaamik nassiussineranni ilusiliinissamat piumasarineqartut iluarsineqassammata. Naalakkersuisut missingersuusiordermut malittarisassaat 2008-meersooq ataatsimiititaliamit innersuussutigineqassaaq tassani missingersuutitut ilanngussat suliarineqartarneranni periutsit immikkoortoq 4-5-imi erseqqinnerusumik nassuiaatigineqarput. Missingersuusiordermut malittarisassani immikkoortut taakku Aningaasaqarnermut Nunamullu Namminermit Naalakkersuisooqarfimmit, qinnuteqaatip Aningaasaqarnermut Ataatsimiititaliamut nassiunneqarnissaanik akuersisuumit, naammattumik eqqumaffigineqarsimannginnerat eqqumiiginartutut oqaatigineqartariaqarpoq.

Taamaattumillu Aningaasaqarnermut Ataatsimiititaliamit naggasiullugu oqaatigineqartariaqarpoq aningaasaliissuteqarnissamat qinnuteqaatip nassiunneqartup pitsaassusaa naammaginangitsooq. Aningaasaliissuteqarnissamik qinnuteqaatit Aningaasaqarnermut Ataatsimiititaliamit suliarineqartussat pitsaassusiisa qulakkeerneqartarnissaat kinguarsaanertaqannigsumik sulissutigineqassasooq ataatsimiititaliamit **kaammattuutigineqarpoq**.

### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni aammalu apeqqutit siuliani allassimasut piaartumik akineqarnissaat missingersuutitullu ilanngussamik eqqortumik takutitsisumik nassiussinissaaq siunertaralugu Naalakkersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**.

Naalakkersuisut akissutaata kalaallisut danskisullu kingusinnerpaamik ulloq 20. juni 2013, nal. 12 tiguneqarnissaa ataatsimiititaliamit qinnutigineqarpoq assilineqarneralu uunga nassiuteqquneqarluni: [julie@ina.gl](mailto:julie@ina.gl).

Tamatuma peqatigisaanik ataatsimiititaliaq julip qaammataani ataatsimiissanngimmat Aningaasaqarnermut Ataatsimiititaliamit eqqaasitsissutigineqassaaq. Taamaattumillu ullup siulilani allassimasup kingorna akissut ataatsimiititaliamut aatsaat nassiunneqassagaluarpat tamatuma kingunerissavaa qinnuteqaatip ataatsimiititaliap augustimi ataatsimiinnerani aatsaat suliarineqarsinnaanera.

### **Ataatsimiititaliaq sinnerlugu**

Finn Karlsen  
Ataatsimiititaliap siulittaasua